

Na osnovu člana 13. Statuta Fonda ("Službene novine FBiH", broj: 33/06), a u vezi sa članom 10. Pravilnika o postupku objavljivanja konkursa i odlučivanja o odabiru korisnika sredstava Fonda za zaštitu okoliša Federacije BiH ("Službene novine FBiH", broj: 73/10), Upravni odbor Fonda za zaštitu okoliša Federacije BiH na prijedlog direktora, na svojoj 4. sjednici održanoj dana 30.10.2014. godine, a na osnovu provedenog Javnog poziva za korištenje sredstava Fonda za zaštitu okoliša Federacije Bosne i Hercegovine za realizaciju programa, projekata i sličnih aktivnosti iz područja zaštite okoliša za 2014. godinu („Službene novine FBiH“, broj: 23/14, dnevnim listovima „Dnevni avaz“ i Večernji list“ dana 26.03.2014. godine i web stranica Fonda) donosi:

O D L U K U

o odabiru korisnika sredstava Fonda za zaštitu okoliša Federacije BiH na osnovu provedenog Javnog poziva za dodjelu sredstava za realizaciju programa, projekata i sličnih aktivnosti iz područja zaštite okoliša za 2014. godinu

I.

Pravo na korištenje sredstava Fonda za zaštitu okoliša Federacije BiH na osnovu provedenog Javnog poziva za dodjelu sredstava za realizaciju programa, projekata i sličnih aktivnosti iz područja zaštite okoliša za 2014. godinu, ostvaruju sljedeći aplikanti:

LOT 1. Projekti uspostavljanja federalne mreže monitoringa kvaliteta zraka

1. Federalni hidrometeorološki zavod za projekat: „Projekat realizacije plana razvoja mreže stanica za praćenje kvaliteta zraka u FBiH, I. faza“ sa iznosom do 150.000,00 KM.

LOT.4. Projekti u oblasti upravljanja otpadom

Za LOT 4.1. Studije i projekti smanjivanja količine otpada, kao i povećanje ukupnog procenta adekvatnog zbrinjavanja otpada reciklažom, odnosno povratom materijala ili energije:

- 1. Općina Kiseljak** za projekat: „Formiranje zelenih otoka radi poticanja selekcije otpada na mjestu nastanka“ sa iznosom do 50.000,00 KM,
- 2. Komunalno javno društvo d.o.o. Maglaj** za projekat: „Formiranje zelenih ostrva na području Općine Maglaj radi selekcije otpada na mjestu nastanka“ sa iznosom do 110.000,00 KM,
- 3. Općina Pale FBiH** za projekat: „Izgradnja nadstrešnica i opremanje lokacija kontejnerima za odvojeno odlaganje otpada u smislu jačanja javne svijesti o važnosti odvojenog prikupljanja i odlaganja otpada, te zaštite okoliša na području Općine Pale FBiH, sa iznosom do 40.000,00KM,
- 4. Jedinствeni općinski organ uprave Općine Bosanski Petrovac** za projekat: „Selektivno prikupljanje otpada“ sa iznosom do 40.000,00 KM,
- 5. Općina Visoko** za projekat: „Centar za selekciju komunalnog otpada sa pratećim sadržajem“ sa iznosom do 200.000,00KM,
- 6. Općina Foča-Ustikolina** za projekat: „Uspostava centra za upravljanje otpadom-sanitarna deponija Gavrić Foča-Ustikolina“ sa iznosom do 40.000,00KM,
- 7. Općina Teočak** za projekat: „Izgradnja selektivne otpada i opremanje reciklažnog dvorišta“ sa iznosom do 20.000,00KM.

II.

Sredstva iz tačke I. ove Odluke osigurat će se sa pozicije 614 000/ Tekući transferi i drugi tekući rashodi i to za:

- a.) **Projekti uspostavljanja federalne mreže monitoringa kvaliteta zraka**, sredstva će se osigurati sa pozicije 614 000 / Projekti uspostavljanja federalne mreže monitoringa kvaliteta zraka.
- b.) **Projekti u oblasti upravljanja otpadom**, sredstva će se osigurati sa pozicije 614 000 / Projekti u oblasti upravljanja otpadom.

III.

Na osnovu ove Odluke zadužuje se direktor Fonda na sklapanje ugovora sa odabranim aplikantima, u kojima će se utvrditi iznos odobrenih sredstava, uslovi i način korištenja dodjeljenih sredstava, vremenski rok za realizaciju projekta, način plaćanja i kontrole namjenskog korištenja dodjeljenih sredstava, te ostala međusobna prava i obaveze korisnika sredstava Fonda.

IV.

Ugovori će se sklapati u skladu sa odredbama Pravilnika o postupku objavljivanja konkursa i o odlučivanju o odabiru korisnika sredstava Fonda („Službene novine FBiH“, broj: 73/10), Pravilnika o mjerilima za ocjenjivanje zahtjeva za dodjelu sredstava Fonda odnosno programa, projekata i sličnih aktivnosti („Službene novine FBiH“, broj: 73/10) i Pravilnika o uslovima i načinu dodjele zajmova ili pozajmica i drugih sredstava Fonda („Službene novine FBiH“, broj: 75/10).

V.

Odluka stupa na snagu danom donošenja, a ista će se objaviti u Službenim novinama FBiH i na web stranici Fonda za zaštitu okoliša Federacije BiH.

Pravna pouka: Protiv ove Odluke može se podnijeti prigovor Komisiji Fonda u roku od tri (3) dana od dana prijema pisane odluke.

**Predsjednik Upravnog odbora
Jasenko Muharemagić**

Broj: UO-4-4-3a/2014
Sarajevo, 30.10.2014. godine

O b r a z l o ž e n j e

Fond za zaštitu okoliša Federacije BiH je, na osnovu člana 27. stav 1., člana 32. stav 1., Zakona o Fondu za zaštitu okoliša Federacije BiH ("Službene novine FBiH", broj: 33/03), člana 7, člana 22. stav 1., člana 34, stav 1. i člana 36. Statuta Fonda za zaštitu okoliša Federacije BiH ("Službene novine FBiH", broj: 33/06), Programa rada i Finansijskog plana i Fonda za zaštitu okoliša FBiH za 2014. godinu ("Službene novine FBiH", broj: 10/14), člana 5. Pravilnika o postupku objavljivanja konkursa i o odlučivanju o odabiru korisnika sredstava Fonda ("Službene novine FBiH", broj: 73/10), te Odluke Upravnog odbora o raspisivanju natječaja za korištenje sredstava Fonda za zaštitu okoliša Federacije BiH broj: UO-4-51-2/2014 raspisao Javni poziv za dodjelu sredstava za realizaciju programa, projekata i sličnih aktivnosti iz područja zaštite okoliša za 2014. godinu, dana 26.03.2014. godine („Službene novine FBiH“, broj: 23/14, dnevnim listovima „Dnevni avaz i Večernji list“ dana 26.03.2014. godine i na web stranici Fonda).

Na objavljeni Javni poziv blagovremeno je dostavljeno 356 prijave, a od toga 7 prijava nisu ispunile uslove Javnog poziva, te iste nisu ni razmatrane. Nakon isteka roka za dostavljanje prijava, utvrđeno je da nije bilo neblagovremenih prijava.

Radi ocjene dostavljenih prijava formirane su dvije Komisije i to:

- 1. Komisija za analizu prijava sa aspekta ispunjenosti formalno-pravnih uslova:** odgovorna je za analizu pristiglih prijava po objavljenom Javnom konkursu, te ima zadatak da izvrši analizu prijava, izvrši izbor prijava koje su zadovoljile uslove za dalji nastavak procedure ocjenjivanja, te izradi izvještaja o analizi prijava sa aspekta ispunjenja formalno-pravnih uslova javnog poziva, koji dostavlja Komisiji za stručnu ocjenu prijava.
- 2. Komisija za stručnu ocjenu prijava:** odgovorna je za provedbu procesa stručnog ocjenjivanja prijava koje su pozitivno ocjenjene sa aspekta ispunjenosti formalno pravnih uslova Javnog konkursa, a u skladu sa zadanim kriterijima, te ima zadatak da izvrše proces ocjenjivanja prijava i u skladu sa stručnom ocjenom utvrdi prioritete u odabiru pristiglih ponuda.

U toku provođenja postupka, a nakon utvrđivanja prijava koje zadovoljavaju propisane uslove Javnog poziva, primijenjeni su kriteriji bodovanja, u skladu sa Pravilnikom o mjerilima za ocjenjivanje zahtjeva za dodjelu sredstava Fonda, odnosno programa, projekata i sličnih aktivnosti ("Službene novine FBiH", broj: 73/10).

Komisija je nakon stručne analize svih pristiglih prijava utvrdila rang listu prednosti, te dostavila prijedlog direktoru. Nakon ocjene Komisije, direktor Fonda je dao prijedlog Upravnom odboru radi odlučivanja o pristiglim prijavama u skladu sa odredbama Pravilnika o postupku objavljivanja konkursa i o odlučivanju o odabiru korisnika sredstava Fonda ("Službene novine FBiH", broj: 73/10).

Imajući u vidu ocjenu prijava od strane Komisije za stručnu ocjenu, odlučeno je kao u dispozitivu ove Odluke.